

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-21123/22  
Sarajevo, 13.12.2022. godine

Na osnovu člana 100. stav (3) Zakona o javnim nabavkama („Službeni glasnik BiH“, br. 39/14) rješavajući po žalbi „GD Konstrukcije“ d.o.o. Mostar izjavljenu na Odluku o izboru najpovoljnijeg ponuđača u predmetu javne nabavke Izvođenje radova na sanaciji ulaznog hola u O.Š. „Mehmedalija Mak Dizdar“ broj 02/12-19-21123/22 od 07.12.2022. godine, člana 7. stav (4) i (5) Pravilnika o uslovima i načinu korištenja e-aukcije („Službeni glasnik BiH“, br. 66/16) i člana 26. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

## RJEŠENJE

### I

Usvaja se žalba ponuđača „GD Konstrukcije“ d.o.o. Mostar, broj 09-12-01/22 od 09.12.2022. godine, poništava se e-aukcija održana dana 23.11.2022. godine sa početkom u 11:00 sati i stavlja se van snage Odluka o poništenju postupka broj 02/12-19-21123/22 od 07.12.2022. godine u predmetu javne nabavke Izvođenje radova na sanaciji ulaznog hola u O.Š. „Mehmedalija Mak Dizdar“, broj obavještenja 422-1-3-222-3-198/22, objavljeno na Portalu javnih nabavki dana 12.10.2022. godine i u „Službenom glasniku BiH- Oglasnik javne nabavke“, br.69/22 od 14.10.2022. godine.

### II

Postupak javne nabavke će se nastaviti po konačnosti ovog Rješenja, ponovnim zakazivanjem e-aukcije, a nakon što Agencija za javne nabavke BiH ocijeni opravdanost zahtjeva za ponovno zakazivanje e-aukcije.

### III

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), u skladu sa članom 70. stav (6) Zakona o javnim nabavkama, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

## Obrazloženje

Odlukom broj 02/12-19-21123/22 od 06.10.2022. godine Općina Novi Grad Sarajevo pokrenula je otvoreni postupak javne nabavke - Izvođenje radova sanacije ulaznog hola u OŠ „Mehmedalija Mak Dizdar“, broj obavještenja 422-1-3-222-3-198/22, objavljeno na Portalu javnih nabavki dana 12.10.2022. godine i u „Službenom glasniku BiH- Oglasnik javne nabavke“, br.69/22 od 14.10.2022. godine.

Zapisnikom o otvaranju ponuda od 04.11.2022. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „GD Konstrukcije“ d.o.o. Mostar sa, 2. „Kolinvest“ d.o.o. Sarajevo i 3. „Dinalsa“ d.o.o. Sarajevo.

Nakon provedenog postupka za predmetnu javnu nabavku donesena je Odluka o poništenju postupka broj 02/12-19-21123/22 od 07.12.2022. godine.

Dana 12.12.2022. godine ugovorni organ je putem pošte zaprimio žalbu „GD Konstrukcije“ d.o.o. Mostar broj 09-12-01/22 od 09.12.2022. godine. Komisija je shodno odredbama člana 100. stav (1) konstatovala da je žalba blagovremena, dopuštena i izjavljena od strane ovlaštenog lica.

Žalitelj u žalbi navodi da je kod zakazivanja e-aukcije unesena njegova ponuda bez obračunatog popusta, odnosno da je unesena cijena 150.369,58 KM bez PDV-a, a ne cijena sa uračunatim popustom odnosno 140.971,48 KM bez PDV-a. Žalitelj dalje navodi da je odmah nakon održane e-aukcije obavijestio ugovorni organ o navedenom propustu, te da nije osnovano poništenje predmetnog postupka javne nabavke jer njegova ponuda nije veća od osiguranih sredstava za predmetnu nabavku, nego se naprotiv nalazi unutar procijenjene vrijednosti. Obzirom da je Agencija za javne nabavke dala uputu organu da se nova e-aukcija može zakazati samo u opravdanim slučajevima koji podrazumijeva slučajeve u kojima je izjavljena žalba koja dovodi do određenih promjena u samom postupku javne nabavke da žalitelj traži da ugovorni organ u skladu sa članom 100. stav (3) Odluku o izboru najpovoljnije ponuđača broj 02/12-19-21123/22 od 07.12.2022. godine u cijelosti poništi, te da poništi održanu e-aukciju koja je prethodnila donošenju odluke, odnosno da zakaže novu e-aukciju u kojoj će pravilno biti unesena ponuda ponuđača bez PDV-a. Ukoliko ugovorni organ ne uvaži žalbu žalitelj traži da se ista proslijedi URŽ u skladu sa članom 100 stav (5) Zakona o javni nabavkama BiH.

Postupajući po zaprimljenoj žalbi Komisija za javne nabavke, pristupila je ponovnoj analizi zaprimljenih ponuda i utvrdila da je žalbeni navod ponuđača „GD Konstrukcije“ d.o.o. Mostar osnovan.

Uvidom u ponudu ponuđača „GD Konstrukcije“ d.o.o. Mostar utvrđeno je da je ponuđač na stranici br. 13 ponude – Aneks 2 upisao cijenu ponude kako slijedi: 150.369,58 KM bez PDV-a, popust na ponudu 9.398,10 KM, cijena ponude sa uračunatim popustom 140.971,48 KM bez PDV-a i ukupna cijena za ugovor: 164.936,63 KM sa PDV-om. Dakle u cijelosti je osnovan žalbeni navod žalitelja da je njegova ponuda i prije provođenja e-aukcije manja od procijenjene vrijednosti nabavke, odnosno manja od osiguranih sredstava za predmetnu nabavku, a što je Komisija konstatovala odmah po obraćanju ponuđača i uputila zahtjev Agenciji za javne nabavke BiH broj 02/12-21123/22 od 23.11.2022. godine u kojem se traži poništavanje održane e-aukcije i ponovno zakazivanje e-aukcije u skladu sa članom 7. stav (4) Pravilnika o uslovima i načinu korištenja e-aukcije („Službene novine BiH“ br. 66/16).

Agencija za javne nabavke BiH je aktom broj 04-02-1-2634-2/22 od 02.12.2022. godine obavijestila ugovorni organ da se zahtjevu za poništenje e-aukcije ne može udovoljiti jer je članom 7. stav (4) Pravilnika o uvjetima i načinu korištenja e-aukcije propisano da Agencija može ponovo zakazati e-aukciju i u drugim opravdanim slučajevima, a da se greška ugovornog organa u konkretnom slučaju kod unosa prihvatljivih ponuda ne može sama po sebi smatrati opravdanim slučajem. Pod drugim opravdanim slučajevima shodno tumačenju Agencije se prije svega podrazumijevaju slučajevi u kojima izjavljena žalba dovodi do određenih promjena u samom postupku javne nabavke (npr. poništenje odluke o izboru, diskvalifikacija kandidata).

Shodno navedenom, Komisija je predlaže da se Odluka o poništenju postupka broj: 02/12-19-21123/22 od 07.12.2022. godine stavi van snage u cjelosti u skladu sa članom 100. stav (3), jer je žalbeni navod žalitelja osnovan, te da se Agenciji za javne nabavke BiH podnese zahtjev za ponovnim zakazivanjem e-aukcije.

Imajući u vidu naprijed navedeno, prihvata se preporuka Komisije za javne nabavke radova, te je shodno odredbama člana 100. stav (3) Zakona o javnim nabavkama i člana 7. stav (4) i (5) Pravilnika o uslovima i načinu korištenja e-aukcije („Službeni glasnik BiH“, br. 66/16) odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

